



26. august 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqqutit:

1. USA-p præidentiata Donald Trumpip Kalaallit Nunaannik soqutiginnilluni takutitsinera Naalakkersuisut sunik periarfissaqartutut isigaat?

2a. Naalakkersuisut USA-p suleqatigineqarnerulersinnaanera takorloorpaat USA-mi pisortat Kalaallit Nunaat illersornissakkut aatsitassarsiornikkullu soqutigintutut oqaatigimassuk?

2b. Naalakkersuisut sulissutiginiarnerlugu præident Donald Trumpip Kalaallit Nunaannut tikeraartinnissaa, taamaasillutillu USA-mi pisortat paasitillugit Kalaallit Nunaata sulissutigigaa aningaasarsiornikkut nammiliilernissaq danskit bloktilskudiat isumalluutiginnaarlugu?

2c. Naalakkersuisut sulissutiginiarnerlugu præident Donald Trumpip Kalaallit Nunaannut tikeraartinnissaa, taamaasillutillu USA-mi pisortat paasitillugit Kalaallit Nunaata sulissutigigaa politikikkut namminersulivinnissaq?

2d. Naalakkersuisut sulissutiginiarnerlugu præident Donald Trumpip Kalaallit Nunaannut tikeraartinnissaa, taamaasillutillu USA-mi pisortat paasitillugit Kalaallit Nunaata sulissutigigaa tunngaviummik inatsiseqalernissamat siunnersuut, ullumikkut Tunngaviummik Inatsisissaq pillugu Isumalioqatigiisitamik suliaasaasoq?

2e. Apeqqutit 2a-miit 2d-mut ilaat ataaseq arlallilluunniit naaggaarneqassagualarpata sukumiisumik naaggaagaq tunngavilersoqquneqarpoq imaluunniit naaggaakkat tunngavilersoqquneqarput.

3. Danskit naalakkersuisuisa pinngitsoortissinnaanerlugu - Kalaallit Nunaata suleqatigiinnissamat periarfissarsiorluni nunanik allanik oqaloqateqartalersinnaanissaa siunissami politikikkut namminersulivinnissaa siunertarlugu? Taamaattoqarsimappat tamanna sukumiisumik tunngavilersoqquneqarpoq?

4. Allanik suliamut tunngasunik soqutiginaateqarsinnaasunik Naalakkersuisut paasissutissiisinnaappat?

(Inatsisartunut ilaasortaqaq Steen Lynge, Demokraatit)

Tunngavilersuut

Inatsisartut aalajangernerat tunngavigalugu Naalakkersuisut peqquneqarnikuupput tunngaviummik inatsisissaq pillugu isumalioqatigiisitamik pilersitsissasut, tamanna pereerpoq. Suliassaraa siunissami



tunngaviusumik inatsisissamut Kalaallit Nunaanni atuuttussamut, oqaasertalersuinissaq. Suliaq taanna aallartinneqareerpoq Kalaallit Nunaanni amerlanerussuteqartut kissaatigimmassuk aningaasarsiornikkut politikikkullu namminiilivinnissaq.

Pingaaruteqarpoq, Kalaallit Nunaata innuttaasut naliginnaasut atugaannik pitsanngorsaaniarnermini aamma innuttaasut nammineq nunartik pillugu aalajangiinissaminnut pisinnaatitaaffeqalissappata - nunarsuarmioqatitta Kalaallit Nunaannik oqaloqateqarusullutik periarfissiingaangata, akorluartarnissaat. Præsident Trumpip taamaasillunilu USA-p illernissaq minnerunngitsumillu aatsitassanut soqutiginninnera paatsoorneqarsinnaanngilaq, aamma toqqaannartumik oqaatigimmagu, pisinnaanngikkaluartorlu imaassanngilaq Kalaallit Nunaata soqutiginninneq angisooq taanna iluaqutissarsiorfigisinnaassanngikkaa.

Kalaallit Nunaannut soqutiginninneq taannaannaanngilaq aamma naalagaaffissuit allat Kalaallit Nunaat suleqatigerusummassuk. Kisianni nunat allat soqutiginninnerat USA-p takutitaanit tigussaanerunngilaq. Peqataanik eqqarsaatiginngitsoorsinnaanngilarput Kalaallit Nunaat USA-p nunatarsuata eqqannguanimmat aamma USA Thulemi sakkutooqarfeqareemat, taamaattumik pissusissamisuuginnartussaavoq tunngaviusumik inatsisiliorneq aamma aningaasarsiornikkut suleqatigiinnissaq pillugit ilisimasaqarnerulernissap suleqatigiissutigisinnaaneritut periarfissarsiornermut atatillugu ilanngunneqassappata.

Danmarkimi naalakkersuisut tulleriaat oqartarmata Kalaallit Nunaata nammineq aalajangissagaa qaqugu naalagaaffinngorusunnerluni aamma naalagaaffinngorneq qanoq isikkoqassanersoq, tupinnassaaq naalagaaffinngornissamut suliaqarneq siuarsarniarlugu suillermik USA præsidentianik Kalaallit Nunaata tikeraarsaanera danskit naalakkersuisuisa akerlilersulissagaluarpassuk. Taamaattumik uanga nammineq piffissaagallartillugu ilionertut isigaara, præsident Donald Trumpip Kalaallit Nunaannut soqutiginninnerata periarfissiissutaa akorluassagutsigu.

Periarfissiissutaasut ullut qulit iluanni apeqqutima akineqarnissaannut qilanaarpunga.